

MATVTINIS EXCVTIENDA DISPVTATIONIBVS IN SCHOLIS MEDICORVM DIE MARTIS V. DECEMBRIS M. PETRO COLLIER DOCTORE MEDICO, MODERATORE PRVDENTISSIMO.

An facultatum ac Spirituum par numerus?

EX promiscuo quatuor elementorum concursu, quæ materiam duntaxat cum refractis qualitatibus [in vnoquoque corpore simplici haud æquæ intensis] peracta mitione, formis planè exolecentibus aſſeruant, composita quæuis naturalia ortus sui trahunt primordia: quorum alia sunt *ἐμφυτὰ*, quædam vero *ἐκφυτὰ*. In his nullo organorum apparatu instructis sola *φύσις* gerit vicem *τῆς κατασκευῆς*. In illis quæ partibus constant dissimilibus *ἡ φύσις* tenet Imperium, à quâ solum triplici vegetante, sentiente, & rationali, quatuor animatorum gradus vegetatius, sensitiuus, loco motiuus, & intellectuus enascuntur. Hæc anima in vno viuente vnica, non alicuius partis modò, sed totius viuentis actus est, rerum certè vitæ carentium energiâ longe nobilior, vîpote materiæ minus immersus: ipsa autem summam cum eâ necessitudinem contrahit.

VIDQVOD enim res inanimæ possunt [vt metalla, & lapides] extra se videntur promere, quodque patiuntur illis extrinsecus accidit. Ea vero quæ animam suarum facultatum primam originem sortita sunt [vt stirps, brutum, & homo] motu cidentur interiore, & ab intimis sui visceribus manantes functiones exercent, quarum dignitas eò magis elucescit, quò principium vnde fluunt, à materiali contagione remotius abscedit. Inde fit vt inter cæteras viuentium actiones, humanæ primarij nobilitatis locù obtineant, cum anima hominis sit *ἐνσώματος*, neq; quicquam elementaris redoleat: imo vel ex ipsis philosophiæ decretis *ἡ φύσις* *ἐν τῇ ἀθάνατῳ* celsetur, atque adeo præstantioris cõditionis, vegetatiuum & sensitiuum deterioris in nobis continet. Quæ quidè informans, non inhærens, quæuis tota in toto, & in quâlibet totius parte resideat, [sola enim quætitatis est expers] pluribus tamè ad integrâ corporis nostri fabricâ pertinētibus denegat esse, ijs potissimū, quæ nomē partis propriè non metetur: cuiusmodi sunt quatuor humores, spiritus, lac, semē, vngues, pili, dentes, quæ nec animæ nec vitæ beneficio participat.

B ipsâ hominis formâ secundum substantiam vnica, potestate multiplici, & equalis in quouis indiuiduo perfectionis, omnes compositi rationalis proficiuntur *διωκεῖται*: quæ partim corporeæ, partim spirituales, nedum ab inuicem, sed ab eâ etiam reapse differunt, cum ad illarum productionem efficaciter concurrat. Spiritualiū [intellectus scilicet & voluntatis] quæ obiecta simul & organa respuunt corporea, formæ istius siue animæ substantia subiectū est. Organicarum autem gradum vegetandi & sentiendi consequentium, corpus ab animâ informatum factum est domicilium. Verum has omnes animæ humanæ facultates ad tres præcipuas & communes reuocamus differentias, pro triplici functionum quas edunt genere, & subiectorum in quibus operantur varietate.

Res siquidem cum sint partes principes. quarum vsu & officio corpus subsistit, pari operationum numero totius eiusdem administratur oeconomia, cõpertum est animam [omniū quæ illic exercentur opificē] partes eiusmodi totidem facultatibus instruere, quæ congruâ naturæ suæ munera perficiēt, si laudabilis *κατασκευὴ*, & ad agendum accommodata illis adfuerit *δύναμις*, quamuis in suo esse à partis cui insidet temperamento facultas omnino distinguatur. Naturalis vniuersi corporis nutritioni addicta & micipatē fons iecur habetur. Vitalis suo nectare viuifico totū recreat, cor est principium. Vtraq; partim influit, partim insita est. Animalis denique, vectore spiritu influens, necnon vim motricem & sensificam impertiens adscribitur cerebro, quod etiam sedes est trium principum animæ facultatum, quæ licet locis nequaquam disclusæ per totum cerebrum diuagentur, perfectioni tamen modo in vnâ parte, quam in aliâ vident.

ACVLTA igitur [vis quædam effectrix per quam forma proprias functiones exerit] cum sit triplex nec agat per se sola [impellit enim; sed alterius interuentu] ternario instrumentorum genere vtatur necessum est, quibus quasi vehiculis momentaneâ celeritate corpus omne trajiciat: huic idcirco spiritus trifariam diuisus, substantiâ tenuissimus, pernitate velox, & viribus admodum ethicæ subijcitur. Primus è iecore tanquam iugide fonte promanans crassior & vaporum analogus, ductibus venarū huc & illuc allabitur. Alius à corde per arterias emissus, aërem imitatur, intimosq; recessus citissimè peruadit. Postremus æthereus est, & in cerebri ventriculis gignitur, hincque per nervos profectus, partes sensus motusque susceptibiles irrigat. Sic tres illi spiritus specie distincti, naturali, vitali, & animali facultatibus inferuiunt, è quarum sedibus per totum corporis habitum continenter defluentes perennem *τῆς συνφύτης* exolutionem relaxant, hominemque in sua integritate conseruant.

Ergo facultatum ac spirituum par numerus.

Proponebat PETRVS BARON STEM PANVS Anno Domini. 1600.

DOMINI DOCTORES DISPVTATVRI.

M. Hieronymus Taquet
M. Simon Bazin.
M. Nicolaus Pietre.

M. Martinus Akakia Med. & prof. Reg.
M. Petrus Paulmier.
M. Petrus Ponson Med. & prof. Reg.

M. Joannes le Moyne.
M. Marcus Myron Med. Reg.
M. Petrus Laffillé Med. Reg.

R.P.